




T5453/4101

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 29 1941





漁洋山人序徐東癡詩謂似淵明曠刻處似孟
郊屏居田廬邈與世絕寫林水之趣道田家之致
率皆世外語儲王以下不及也此教語可以移
贈豐草菴主人

梅林居士

豐草菴詩集自序

哈佛大學漢和
圖書館珍藏印

豐草菴

自序

七月甲寅作焚硯誓辭丙辰燒雜文丁巳理篋中
詩已未授兒古樂府發學道十年不到古人大
休歇地非獨神骨懦亦筆墨累之也因發憤夜登
曉寒樓慟哭古佛之前作焚硯誓辭其文曰稽首
大覺尊玄潛不蚤背塵棲玄宅靜綺語自障今日
已後永絕文字鏤骨銘心盡未來際不斷綺語崇
高苦因不斷綺語道岍不登不斷綺語離叛佛心

豐草有詩集
故越二日而燒雜文矣余年十六七輒喜手評古人之書評後輒悔悔輒更評更評復悔悔輒欲自焚乃不果焚也今已志在青鞵布襪因掩戶啟篋縱陳癸未巳前手評諸書凡數百卷悉焚之是日誤焚乙酉雜文一卷丙戌悲憤詩一卷其明日兒丁集豐草菴長跪號泣曰大人何至是大人以求古出世聖人之道棄家遠遊小子何知豈敢以口舌爭也然大人平生欲身扶六經之墜日痛心

風雅衰危也幸大人爲圖書緩行余呼兒前曰止戈墮文字因緣幾三十年今復以未焚殘藁畱是墮也樵未復泣曰大人縱未能改新誓濡牘長吟也聊集舊文布人間乎則樵等死而更生余嘆曰我病不能斷文字緣斷人間緣矣我安能詰曲從人間世流布詩文也我少未嘗爲詩爲古文辭爲古文辭不一年二年輒自愧且悔悔輒欲自焚一焚于癸未之冬焚庚辰巳前之文無遺也再

焚于丙戌之秋焚辛壬雜著及十餘年應制之文
無遺也又甲申乙酉詩歌一編誤以爲應制文俱
焚焉丙申焚書則余之三焚書也乙酉文丙戌詩
之誤焚則余之再誤焚也遺文銷落意不存矣我
故舊半死生矣我愁坐一室中絕往來尺牘十年
世漸無知我者知我者一二人投以詩惟涕泣
讀而藏之不敢答矣情之不能忘也往來于懷或
中夜挑燈私擬酬和之詩詩成又涕泣反覆長吟

而藏之亦不復寄矣集中贈答非仲文初孝章諸
詩是也今世之詩傳人間者無此例也且我不能
上之詩珠聯漢魏璧合三唐也不能如世之詩
赫然假聲光於賢豪長者也不能如世之詩鬼言
無蒂沉墮秋煙也耽情于方外合社于漁樵遊夢
于山經孤癖于香法古人我不敢擬今人我不能
以爲侶今世之詩傳人間者亦無此例也樵耒曰
傳詩文非以例也敢請余曰汝於詩文癖矣今不

示汝汝謂我自匿於是出篋中未焚書紙亂編繁
大索一日得庚辰已後雜文丙戌已後詩歌各十
餘編手授樵等越一日復呼樵未來前授古樂府
發未成之書一編謂曰我今年二月於律呂經緯
邈然遠想得風騷情性之至讀古樂府如縱轡天
衢也自我作古樂府發則不復作韻語蓋復自悔
其詩矣

豐草菴詩集總目

人間可哀編

丙戌

丁亥

戊子

采杉編

庚寅

落葉編

庚寅

西臺編

辛卯

病孔雀編

辛卯

壬辰

紅蕉編

癸巳

登峰編

甲午

臨蘭亭編

乙未

雒陽編

乙未

洞庭雨編

乙未

鬪韻牌編

乙未

丙申

豐草菴詩集目錄

人間可哀編

人間可哀曲

憶昔

怨鶴行

白鶴怨

遙題巢居

華山畿

讀曲歌

估客樂

子夜歌

采菱曲

咏美人禮佛

採桑女

咏殘燈

雜詩

染爪

咏香烟二絕

紅樓怨

門有車馬客

贈鄰居和唐人

芳樹

宛轉歌

秋日幽居寄友人

得旣

方書 夢華詞 聽雨詞 夢鄉詞 無端

語 寄友人 題昭君圖 簪花美人圖

嚴生書來寄余新夢 故紙中忽見余八歲

時手書梵冊因讀先人示語感而成咏 夢

至亂山深處清溪一曲夾岸繁花人曰此紫

溪也 秋日買武夷山志 夢大雪中行匡

廬山頂 採蓮歸 錢王孫 漫歌 二首 雨

後 責子詩 三首 紀夢遊 暑夜憶鹿山草

堂 雁字 四首 秋日夢卜何 題豐草菴

豐草菴詩集

吳興董

說若雨著



人間可哀曲

丙戌

四座且勿喧聽我歌人間人間未及言淚下何翩
 翩高城鬱嵯峩青樓大道邊浮雲連馬影蹀躞桃
 花天露濯通犀劍日炤珊瑚鞭飛聲震京雒結客
 到幽燕狹斜歸騎擁雷轂音闐闐入門春樹合美
 女妖且妍尋芳同入柳鑑影並窺川新眉圖五嶽

哈林閣大學漢編
 圖書館珍藏印

豐草春言集
峩髻寫飛僊烏棲曲未罷垂手舞纏綿酷烈沉榆
屑芳芬芍藥煎織翠紋簾皎流黃珍簟鮮含情復
送艷宛轉華燈前重來不知處草木空蒼然爲君
吹玉笛長咏招魂篇

憶昔

憶昔鹿山中嘯讀樵人室鑿牖延危巒翦竹導新
術日隱遙松翠雨至衆山失僮僕喧竒雲稚子搜
野栗幽巖富藥苗草樹自儔匹父老四五人昏旦
來問疾濁醪不足勉聊與論遺逸

怨鶴行

客有南州生少年遠遊不得意流館西吳
閨人鬱鬱以歿一日託形野鶴飛集生館
值生醉甚對鶴訴愁鶴忽墮淚生悶絕旣
而嗚咽爲閨人語云君不如歸去妾死矣
魂魄渡江尋君至此言訖而蘇鶴亦飛去
余聞其事爲作怨鶴行復成白鶴怨二絕
白鶴復白鶴獨立兀如醉驅汝汝不飛那作仙人

驥一解

不鳴亦不舞斜陽傍行子低頭語白鶴惆悵儂如

爾 二解

白鶴長鳴行客沾裳白鶴淚垂一何琅琅鶴鳴尚
自可鶴淚愁殺我 三解

呼郎來前念郎愁苦儂不慕封侯願君還故宇欲
知腸斷絕衣上錢塘雨 四解

夜逐巫山雲搖蕩五湖裏天風知妾恨吹渡蘋洲

水 五解

白鶴怨

幾回夢裏度金微此夜蘋洲喚客歸與君化作鴛
鴦鳥越水吳山只共飛

怨鶴啼痕染客衣愁魂歷歷是耶非從今添入相
思譜不羨當年老令威

遙題巢居

崎嶇從夙慕夢訪巢居子俯視青鴻濛深竹隔漁
市長嘯五湖聞鈎簾千嶺峙觴飛宿鳥外碁落白
雲裏何當謝人寰領鶴同巢此

華山畿

華山畿黃河日夜流儂情無斷時蓮峰五千仞蓮

子若為知 一解

華山畿誰能長相思月明松栢路夜夜見題碑 二

解

華山畿懊惱芙蓉渚秋草語秋風銷落只為汝 三

解

讀曲歌

歡是嶺上雲朝往暮來過斜陽炤殘雨儂處獨晴

多 一解

皎皎三五夜日月遙相語千秋只望汝 二解

東風莫愁儂好向郎邊吹路傍折楊柳春日正長

絲 三解

估客樂

烏啼江月落遙村隔烟嶼天寒津鼓澁行人霧中

語

送歡楊柳灣帆轉不知處不及嶺頭雲隨歡千里去

子夜歌

輕風拂華林宛轉環珮聲莫將團扇至憎殺合歡名一解

鏡炤歡容顏歡去空持鏡連喚歡復歡鏡中不曾應二解

郎在回雁峰飛書寄南浦擣蘂染黃牋無處不辛

苦三解

儂家東海頭愁殺西風棗郎腰白羽箭不思刀環

好四解

采菱曲

江南日暮涼雲凝遊女盪舟歌采菱鬢學秋烟嬌不理波文羅綺光峻嶒蓮葉東邊盡橈澀渚平浪淺蜻蜓立絲牽並蒂歌聲短葉摘連枝淚痕濕蘋岸風微珠翠香影落澄江空斷腸炤見金釵雙孔

豐草齋詩集
雀可憐錦帶兩鴛鴦宛轉中流弄權遲柳塘野雀
傍人飛落花狼藉無消息直唱菱歌更不歸

咏美人禮佛

環珮鳴清夜心空翡翠樓手垂分舞意聲緩落歌
愁磬斷風吹帶香殘雁報秋浣紗人悟妄豔色若

爲留

宋之間有浣紗
篇贈陸上人

採桑女

南隣女伴至邀踐採桑期開簾拂明鏡且復治容

儀花簪鬢更理衣薰著故遲出門貪炤影還向水
中窺

咏殘燈

黯黯愁眉聚沉沉清夜徂霜天聞別雁楊柳正棲
烏碁子敲還倦博山烟又無遙知玉門外邊月炤
人孤

雜詩

枯葉鳴園林繁霜炤庭宇攬衣起躑躅憂來浩無

豐亨者言集
主嗷嗷南雁翔沈沈戍樓鼓延頸發長歎遠岫青
可數高臺知悲風秋草識寒雨不逢遙夜愁安知
別離苦

染爪

秋風來幾日安得搗衣砧爲敲金鳳花共立梧桐
陰色憎唇朱淡影射晴霞深明朝寫眉角紅日透
青岑

咏香烟二絕

修竹娟娟月色新獨教鑪氣伴愁人那堪落葉秋
風度吹作陽臺一段雲
秦樓曲斷夜偏長愁殺寒衣空自香最是篆烟知
妾恨盤旋畫出九迴腸

紅樓怨

紅樓窈窕垂楊裏白玉鈎簾瞰江水錦石床鋪玳
瑁文流蘇帳挂葡萄紫樓中姊妹嬌芙蓉渠春風倦
繡雙羅敷鏡裏蛾眉嘗對畫袖中織爪正相如檀

豐草齋詩集
槽共撥烏孫調象管同鈎金錯書秦淮花滿紫騮
驕白皙王孫箭插腰挾彈翩翩桃葉渡垂鞭兩兩
赤欄橋誰家織麗多輕薄清歌暗結烏棲約燈前
贈姊合歡襦趙家女弟甘寥落從此蘭膏炤獨眠
博山縹緲鷓鴣烟江南誰解傷心曲一代紅顏空
自憐

門有車馬客

門有車馬客躑躅青松邊寶劍搖秋水高寇切雲

烟夾轂雙童子被髮光嬋娟耿介發英論汎濫桃
花泉呼兒前致辭主人非盛年庭中有枯樹相對
日卷然壁上何所有銅鉢封苔錢床頭何所有綠
字仙人篇何以滌煩紆太古琴無絃何以託靈韻
夢寐通幽玄復有高僧影鶴骨霜華顛焚香夜稽
首結志芙蓉天壯圖長已矣上客空留連

贈鄰居和唐人

田園晨夕並無復別離情得句喜相報看山約共

豐草齋詩集
行柳渠交釣影雨閣合碁聲總是逃人客寧煩問
姓名

芳樹

芳樹煙華繞春深碧玉家紫騮嘶落日羌笛怨殘
霞翠霧添池綠涼風拂鬢斜琅玕不足贈惆悵摘
餘花

宛轉歌

秋氣清寒蟹夜復鳴江澄月皎愁心并非子之故

誰爲縈歌宛轉宛轉聲正悲願爲芙蓉鏡含景對
光儀

睇行雲解佩復殷勤燈前羅袖光氛氲歡樂未極
哀情紛歌宛轉宛轉涕無窮願爲黃金徽徘徊君
掌中

秋日幽居寄友人

草色炤人綠開簾風滿樓家貧書亦借溪冷樹先
秋竹杖高僧寄名山詩卷收近來廬嶽夢夜夜共

君遊

得既方書

丁亥

文章敢道似相如
寥落真成揚子居
病榻三年懷舊夢
樵人五月寄君書
只今野服堪投老
何處青山對結廬
記得渡頭離別恨
蹇驢落日共躊躇

夢華詞

夢華潭口聽客話嘉隆
間大內舊事韻語記之

月華門外轉靈旂
炤夜銀盤碧藕肥
祠罷天孫桐

葉落君王新賜鵲
橋衣

江南風景藥王灣
霧縠單衣綠玉環
紅芍花邊碁局罷
自裁團扇畫秋山

蒲萄半醉出仙臺
萬歲山前獵陣開
千騎蒙茸貂鼠帽
石橋飛雪帶狼回

栢葉千門苑柳青
西宮簫鼓雨中聽
桃箋不寫迎春版
剪作鴛鴦貼翠屏

一封紅篆奏神芝
翠輦朝巡玉螭池
雲髻三千齊

豐草春詩集
墮馬高玄殿下讀靈碑

水殿無聲玉漏遲
宮奴掃徑髮如絲
不須宛轉看紅葉
自入霜秋懶賦詩

西苑秋風太液濤
菊花初繡鳳羅袍
牙牌走馬傳宮帖
旋磨峰頭賚玉醪

宮門過盡絳紗車
環碧池清殿影斜
拾得水精雙彈子
黃鸝聲隔海棠花

繡巷春深榜隔凡
晴雲寂寞度花巖
夜來夢到承

光殿銀燭高烧炤舞衫

蝴蝶珍槃出御厨
秋聲夜繞護城湖
竹簾涼月澄如水
繡得秦樓跨鳳圖

聽雨詞

薜荔牆邊布穀鳴
玉蘭樹底藥苗生
雨中事事隨人意
莫遣東風便放晴

門無剝啄病全蘇
管領烟雲柳數株
人間誰似王摩詰
要畫西牕聽雨圖

豐草都言集
竹闌干外柳絲斜滴瀝頻催欲落花愛聽雨聲真
是癖米家石子陸家茶

薔薇架畔織斜文竹裏茶烟半惹雲殷勤寄語牕
前雨一瓣清香專爲君

鳩婦聲中急雨催水簾一片隔塵埃夢遊曾到香
爐頂借得廬山瀑布來

夢鄉詞

合眼何曾是病夫穿雲屐子不教扶春來五嶽都

遊遍笑殺宗家壁上圖

人間底事覓封侯夢國消搖也破愁枕中一帙名
山志揀得仙巖次第遊

客到柴關正夕陽相逢莫說少年場西牕對展流
黃簞聊復同君夢石梁

無端語

竹杖芒鞋野外裝蠹書一束壓藜床此身便合爲
僧未閑折黃花問法王

浮雲東望益霑巾篋裏函書墨尚新眼前今日誰
知我泉路他年有故人

落葉鏘鏘覆綠苔野人長嘯讀書臺湘簾夜半呼
兒捲明月還教入室來

烏啼葉落夜偏長江北江南枉斷腸夢裏幾回尋
寺去亂山無路草茫茫

寄友人

處處桃花春可憐一床書傍藥鑪邊門前風景君

知否楊柳深維問病船

題昭君圖

天寒抱馬出邊頭袖拂胡霜雲正愁空有幽魂託
明月年年長炤漢宮秋

簪花美人圖

墮馬新鬢髮半垂海棠片片濕臙脂簪花自愛花
間影懶向傍人問可宜

嚴生書來寄余新夢

剝啄玉蘭西斜陽鳥亂啼門前尺素書來從餘不

溪玉仍家在溪頭住開緘迺是嚴生字嚴生數載

匿空山露香何日携琴至玉仍讀書處名露香書云避亂自

今年東西南北空憔悴風雨還敲破寺門蹇驢真

下窮途淚花落才過舅氏家玉仍為嚴生舅幾回剪紙魂

猶悸以茲感憤思夢遊夢裏同余到石樓青苔滿

路行人絕瀑布飛寒古樹秋室中木榻平如砥無

字禪經一千紙壁畫高僧坐石巖瓶鉢蕭蕭亂雲

裏問余歷落彼何人笑言我輩前生是覺來寫夢

西窻雨并入新愁寄潯水嚴生嚴生書辭婉轉情

酸辛道人未是忘情人與君好續三生夢萬壑千

巖更問津

故紙中忽見余八歲時手書梵冊因讀先人

示語感而成咏

息心菴裏夢初醒二十年前是智齡記得竹床殘

暑後枇杷樹下教心經余八歲時皈聞谷大師錫名智齡

出家又恐話成虛

先人示語云自悔不早出家

珍重高僧一紙

書最是殺機能戒得滿園秋草不曾除

夢至亂山深處清溪一曲夾岸繁花人曰此

紫溪也

水邊茅屋半漁家撲地紅英竹徑斜他日夢鄉修

實錄道人曾看紫溪花

秋日買武夷山志

城郭人民事事悲秋風秋草正離離名山自料無

錢買隨着新詩到武夷

夢大雪中行匡廬山頂

小窻冷落對殘書竹外空勞問病車一事最奇人
不信夜來踏雪到匡廬

採蓮歸

江上晴峰起暮愁微風吹送木蘭舟可憐兩兩芙蓉蒂也學鴛鴦只並頭

錢王孫

戊子

苕溪錢生坐書畫船客遊近隱於賈者也
生藏錢氏舊譜題咏粲然余為作錢王孫

錢王孫一船書畫江南村霸圖銷歇龍巖冷文采

風流還自尊君到錢塘秋浦牕布帆無恙掛晴江

射潮強弩今何在八月濤聲撼鐵幢

鐵幢浦在錢塘候潮門外

錢王射潮箭所止處

漫歌 二首

樵童剪紙補書籤落葉吟成也教黏詩律慣參無

味話明朝煮筍莫加鹽

選佛場歸獨閉門一爐栢子老漁村心空及第知

何日風雨圖看畫狀元

吳小仙曾賜畫狀元印
有風雨歸舟圖

雨後

雨歇池塘集暮鴉夕陽秋水共澄華漁童貫鯉攀

溪柳稚子囊螢剪碧紗荷葉風疎涼夜閣桔槔聲

斷賀晴霞病夫欲問栽松訣尺牘閑投樵父家

責子詩 三首

少年曾結客晚作樵人裝問余何為爾蹇劣心自

量秋風響庭樹群兒戲中堂生子無騏驎不如棄
道傍阿竒得惡札阿辰得健忘阿來爲長兄得余
愚與狂也復嗜禪誦時聞說夢鄉客從遠方來呼
出裏衣裳行行結襪係車輪繞中腸問渠都不應
羞人時面墻一事壓諸弟兄坐誠所長

責阿來

童烏侍子雲九歲通太玄王郎讀漢書師古慚精
研阿辰但覓粟不盡易上篇分爻偷打瓦擲卦戲
磨錢裂紙寫河圖鬱勃誇談天問義百不曉識字

忘其偏那知愧兒戲空及古人年

責阿辰

阿竒鈍隸法握筆不能使清晨授章句流目東西
視思彈盡屏蠅愛破晴窗紙抽簪刻硯陰借筋敲
鼎趾黃昏辭書堂及戶先呼姊燭淚聚城郭粉壁
畫弓矢浮圖累石棊祭月陳土簋聯珠讚佛名梵
曲巧能似燈前學家讌剪紙作桃李設醴詐傾杯
藏闔握松子幸託先人廬篋笥富圖史童心爾如
醉家聲誰復起

責阿竒

紀夢遊

夢遊野寺路層層
艇子蹁躚纜古藤
半江殘日人收網
兩岸鳴蟬正採菱

暑夜憶鹿山草堂

郭西曾作客山夜
最難忘野艇維深竹
歸樵話夕涼池神傳
飲馬橋古記書堂幾度
蒲帆夢翻成憶故鄉

雁字

四首

高秋澹墨落寒閨
路轉溪迴望欲迷
殷浩愁心天半度
仲將楷法碧空題
寫成紅葉風初緊
賦就長門日正西
繞樹吟魂何處泊
白蘋烟霧草萋萋
西風獵獵墨痕飄
點染秋空更寂寥
梵影夜飛黃葉寺
迴文曉挂綠楊橋
吟斷碧雲愁日暮
夢歸遼水賦魂銷
鯉魚尺素誰還羨
一片相思楚塞遙
斜逐西風數點橫
倚樓客倦若爲情
攷形似繪悲秋影
測韻應翻變羽聲
才鬼魂遊天上去
驚人詩

逼華峰行從來南北傷心語到處模糊寫不明
好借秋空作素縑湘江雲斷墨痕添情深宋玉翻
投筆才盡江郎怕捲簾幾度歌斜風瑟瑟一行離
怨月纖纖問竒枉載玄亭酒篆勢飄飄未可拈

秋日夢卜何

野渡相逢白苧單蒲村黃葉夕陽天問余舊寄春
王辨袖出新詞漁父篇並記夢中事剪燭幾時徵夢識
揮毫此日記愁緣秋帆倘挂潯溪月料得臨池又

借船

卜何向寓余書有買船過訪之語王右軍有借船帖

題豐草菴

碧玉藤陰影小廬磁盆秋水鏡紅魚床頭一握崩
霜劍銷作清鐘伴讀書

草菴詩集目錄

采杉編

采杉曲 付樵童 豐草菴雜興 憶亡友

侯幾道 焚野人香敬夫坐睡 銅瓶換墨

讀桂海巖洞志 授客菖蒲飲法 沈石

田落花十圖述 漫興十首 珊瑚枝 招

魂曲 首陽詠 敬夫過塔院訪此山禪師

豐草菴新聲 浩歌

豐草菴詩集
菴洞庭落日玻璃紫

付樵僮

護紗箬笠野樵裝馬後曾持古錦囊今日一端還
賴汝刺杉採作野人香

豐草菴雜興

藤陰翠落護花籬屋角雲歸度影遲秦吉了誰聽
鳥語磨兜堅又教兒癡占移楓式還名射芽摘茶
園正展旗禹篆學成人莫笑草堂待勒夢鄉碑

憶亡友侯幾道

秋風幾度思疇昔葛衣白鶴江頭客素車白馬滿

江南野渡相看獨愁絕

辛巳會弔西銘夫子初與幾道相見

月射生

公舊講堂樽前夜話秋山碧江東獨步謬推賞吳

會論文書數尺

先是幾道寄余尺牘有吳會論文江東獨步之語

雲烟一

幅九疑青瀟湘捲入霜藤瀉當時不解暮年悲只

把懷賢羨麗詞

幾道昔寄余懷賢詩

若教續得秋聲賦省却

愁人落葉詩

時余作落葉詩三十餘首

豐草齋詩集
焚野人香敬夫坐睡

旃檀篤耨謬竒賞別調野香誰共憐敬夫夢踏白
雲去閒殺一爐杉樹烟

銅瓶換墨

斷墨象苔石一片瀟湘青空齋無可遣垂淚向銅
瓶

讀桂海巖洞志

瑤簪玉筍拔靈都獨秀峰高石室孤桂海寫將山

影去從今鴈蕩不須圖

棲霞洞口七峰高疊綵巖寒影碧濤底事浮名正
相似北淵洞裏石胡桃

授客菖蒲飲法

誰叅九節石根禪補入茶經第八篇從此草菴添
飲事菖蒲香惹刺杉烟

沈石田落花十圖述

蝶滿南園花事休山頭雲濕雨初收黃茅亭小江

豐直詩集
帆遠石板橋寒溪水流野色春深眠犢草綠陰晴
泊釣魚舟杖藜去問東家客底事堪銷一段愁

第一

圖

傷心南浦賦魂銷只剩垂楊學舞腰盡日鳥啼深
竹院斜陽人過赤欄橋閑愁幾度添新夢野坐無
端話六朝極目水塘春草綠漁船曬網漾春潮

第二

圖

春茶新試陸家經落瓣空粘汲水瓶野渡人行還

看瀑江天鶴去但遺翎筆牀冷落愁中賦藥杵丁
東竹外亭指點亂紅飛欲盡隔江依舊數峰青

第三

圖

飄零終不受塵埃一曲清溪兩岸苔炤影鶴隨殘
日去白頭人抱短琴來他時黃葉還添淚此日江
南正可哀結客少年空往事乾坤寥落獨登臺

第四

圖

數聲柔櫓夕陽西萬點桃花野渡迷書盡船移春

水綠故人家近亂鶯啼隔江遠樹愁無數夾岸新
楓青蒲谿漠漠晴烟村路盡一間茅屋板橋低

第五

圖

繞屋飛花蒲架書江南三月綠陰初草堂日永呼
編箒柳岸春寒看打魚帖展蘭亭還感慨牕遮枯

樹正閑居竹籬且莫教兒補淨掃門前候客車

第六

圖

雨歇池塘芳樹稀茅亭寂寞綠成圍青山斷處晴

雲出野鹿聲中瀑布飛闔草社開樵客路送春人

立釣魚磯新蒲細柳愁無限宛轉橋通村徑微

第七

圖

游絲細逐暖風輕冷落殘香墜石枰到處鶯啼催

日暮一溪寒綠正新晴船頭撥棹人沽酒岸上吹

簫又賣餉白髮不禁惆悵意愁吟空繞樹邊行

第八

圖

溪聲歷歷石粼粼老眼看花恨轉新日暮愁心江

上樹春風扶杖白頭人誰家院落橫長笛若箇汀
洲賦採蘋拾得殘英獨歸去一甌寒瀑賽茶神

第九

圖

繞溪空有竹千竿狼藉東風春又殘突兀江頭新
草閣蕭條樹裏曲欄干紅橋隔岸人家少白鷺飛
邊釣艇寒搖落蒲園誰復惜明朝却怕捲簾看

第十

圖

漫興十首

衣借空階落葉縫杜鵑國裏買孤筇未能免俗朝
評帖一事如僧夜打鐘眼底三千年舊蹟夢中七
十二青峰人間難著支離叟只合天台對古松
縷縷杉針石鼎煙寒松一柄夜談玄夢華故國三
千里蓮社新圖十八賢青眼自開深竹處白頭從
老採蘋天卦錢莫付書船去留看前朝舊紀年
竹籬疎處白雲垂結客歸來鬢已絲願作劍長隨
季札恨無金可鑄湘纍當年徵夢還成讖昨夜聞

鷄只賦詩榻得益州東晉帖野夫心事落峨眉

依舊蘋江白鴈飛漢官儀借綠蓑衣篋中尺素人

存歿志裏名山今是非垂柳門添新釣影問樵磯

長舊松圍

鹿山草閣舊名問樵

西遊曾補虞初筆萬鏡樓空

及第歸

余十年前曾補西遊有萬鏡樓一則

漁村網集草堂寒琴曲新翻行路難一杵晨鐘飛

木葉蒲園秋雨濕闌干錦囊瘦僕挑柴賣應制文

章換帖看屏上武陵圖半幅桃花不受大夫官

繭紙烏絲石筆牀小橋流水帶書堂白蘋風裏思

漁艇蟋蟀聲中話戰場牕記夢鄉初落葉客評書

價又斜陽一庭雜樹無心理薜荔牆邊放竹長

少年塲裏唱陽春亂後遺忘記不真塔院青桐微

夢帖松陵暮雨買書人論交幾度思樵父

余在鹿山時喜

樵者

恨別無端話野賓

王仁裕有猿名野賓其事令人悽斷

豐草自

題茅屋榜從來麋鹿性難馴

看續茶烟煮豆糜清緣正與老相宜白頭村嫗談

書譜

余家有白頭
姬能典牙籤

短袖奚奴訪禹碑
盡為貪山頻

欲掛竹因遮暑又新移
好奇多被兒童笑
尋得珊

瑚壓硯池

時硯池中有珊
瑚屑晴牕霞起

蝶菴誰復供莊周
四壁名山足卧遊
死去梅花須

繞墓生前萬卷託高樓
郭西路冷珠泉夢

鹿山有
珍珠泉

靜嘯聲寒玉樹秋
寥落滿懷人跡斷
一村黃葉上

簾鈎

石子階疎細草生
傷春百匝繞籬行
募緣僧坐還

烹水責券人來也
聽鶯怪石染烟雲
九曲落花聯

句月三更家中祗怨
黃金盡賦裏誰聞
擲地聲

珊瑚枝

銅盤仙人泣秋露
短瓢欲掛要離墓
杜鵑淚染桃

花雲飛落珊瑚海中
樹十年飄泊垂楊
渡夢中遠

踏扶桑路齊州九點
琅玕青一把愁紅
濕烟霧

招魂曲

中元日作

夢魂夜逐青桐葉
飛落秋園作蝴蝶
一星鬼火入

豐草者言集
江青法王院榜招魂帖靈旛剪紗錢剪紙月黑松
搖古鬚鬣高僧入座呪音寒精靈百萬啼秋怯嘯
聲認得故人魂猶帶生前舊豪俠

首陽詠

草笠古鬚眉首陽一樵子擔柴入都城閒話青峰
裏云有兩男兒餓死西山趾白頭齊太公淚滴青
蘋水還顧召公言采薇人已矣

敬夫過塔院訪此山禪師

數年不向寺中行石塔新開古院名一樹寒桐晴
後綠幾迴茶鼎竹間聲高僧舊約嚴詩政落葉新
詞定細評時敬夫落
葉詩成應話西窻病居士滿牀書畫
看雲生

豐草菴新聲

采蓮折柳代極情文桃葉竹枝辭分歡戚
事傳豐草體變新聲天下有情庶幾墮淚

賣得針秧屋後田采香船是買書船誰人解愛杉
烟鼎還許同叅豐草禪

為繡青山買色絲他年長掛夢鄉祠珊瑚一把啼
鵲淚團扇新題落葉詩

薔薇影裏種紅魚一尺盆松翠鬣疎不是舊衣偏
稱體為將白苧換新書

十年魂夢到峨眉補却王家一段奇
右軍思遊峨眉與人帖云

若果此緣一段奇事也無端唱徹新聲曲到處風傳徵調悲

浩歌

蕉萃長添書苑悲
杜詩中郎石經後八分蓋蕉萃從來古篆愛離

奇陽冰死後無人識腸斷斜陽碧落碑

子規啼處買孤筇昨夜魂遊落鴈峰問我今宵夢

何處天台橋畔看青松

秋雲依舊滿江南白髮丹楓老自憐何日亂山深

處去千株松關蔚藍天

仙裝榭葉髮紛紛句曲長飄綠玉雲要踏玄洲數

盤路也披楓襖拜茅君

豐草菴詩集目錄

落葉編

落葉二十八首

落葉用友人韻五首

豐草菴詩集

落葉編

吳興董說若雨著

落葉

庚寅

滿眼寒雲帶夕鴉
楓林無復客停車
湘君降渚秋風緊
謝朓題牋細雨斜
溪閣捲簾通遠岫
漁村吹笛漏人家
蒼茫獨立空腸斷
野鹿啣來認杏花

其二

寒階一夜雨聲長
秋色明朝滿石廊
野渡吹來鋪

豐草春詩集
釣艇晴帆帶去掛瀟湘高臺送日空衰草古木橫
雲又夕陽行藥莫愁遊興盡林塘展齒正鏘鏘

其三

芳樹歌殘鴈影橫西風嫋嫋暮雲平鶴歸涼月松
巢爽僧踏晴霜竹杖輕江上亂峰青縹緲燈前白
髮瘦崢嶸孤舟今夜楓橋客聽到寒鐘第幾聲

其四

愁聽哀蟬曲調翻洞庭波冷暮雲繁數聲長笛橫

霜鴈一樹寒藤掛老猿寂寂松牕聽雨客蕭蕭秋
草讀書園溪南古寺無人問隔岸疎林動遠旛

其五

木落寒江細雨收空山縱眺白雲秋新裁榭製裝
仙像戲剪桐圭拜醉侯塞上曲中愁匹馬瀟湘圖
裏看孤舟可憐白髮飄零客盡日長吟獨倚樓

其六

流水桃花事已非輕雲隴首淡柴扉鐘殘野寺人

豐草者詩集
欹枕月轉西樓夜擣衣枯樹幾迴停賦筆秋風空
自長松圍最憐昨日江頭見亂撲茅亭帶雨飛

其七

亭臯又著曉風吹一片愁心柳惲詩聊與客翻芳
樹曲且呼兒補菊花籬騎驢野店行吟日剪燭西
窗夜話時不盡長江搖落恨悲秋無奈鬢絲垂

其八

落花損盡薛濤箋又戀殘楓廢晝眠江上僧歸寒

塔院白頭人坐洞庭船數竿竹影搖深樹一曲秋
聲譜夜絃指點前朝舊陵寢幾堆黃葉夕陽天

其九

搖落聲兼急雨垂挑燈歷歷話堪悲貂裘出塞人
腰箭團扇深宮夜賦詩野渡斷橋看掛網空山流
水聽敲碁誰將楓落圖新樣十幅藤牋一段奇

其十

南山秋晚轉清稜倚杖宵携踏葉燈白月半規懸

豐草耆詩集
野廟青松一色滿西陵斷碑缺字橫衰草石馬無
聲絡古藤拾得霜楓紅似繡寫將新偈問高僧

其十一

數杵齋鐘木葉疎黃茅蓋屋正巖居縛將竹箒閑
看鹿借得紅顏醉捕魚秋水喚船歸客渡霜天送

橘故人書

王右軍有
送橘帖

老來愛種長松樹細雨珊珊

學荷鋤

其十二

兩岼秋聲樹影稀白雲長掛釣魚磯空山石洞人
携鶴修竹禪房自補衣燈下十年重憶舊邊頭九
月正思歸愁心夜逐瀟湘葉吹向黃陵廟裏飛

其十三

幾樹殘楓映白頭丹青誰畫箇中愁半規落日山
頭紫一帶長江天際流兩兩鴉啼烏柏樹蕭蕭人
倚讀書樓老懷作惡渾難遣悶把霜藤送晚秋

其十四

爲惜江楓逐水萍折將紅葉插銅瓶林空山鬼啼
秋雨墻短遙峰送暮青巫峽一章傳嘯旨風爐三
足注茶經風爐三足見陸羽經牕前夜半愁心度野寺雲寒
響塔鈴

其十五

桐陰非復早涼時細雨瀟湘正別離江上孤帆何
處泊南中橘柚幾人知窻含遠岫催吟筆嶺響秋
猿動暮思兒輩且停今日課老夫要寫落楓詩

其十六

淒鏘愁共暮蟬聞霜杵鐘遙木葉紛烟樹曉迷南
浦雨秋峰空繞洞庭雲溪橋送客棕鞋踏山院評
茶石鼎焚風味漢朝誰得似霸陵憔悴李將軍

其十七

拖屐尋碑嶺葉乾瓶添秋水話三玄空留繫馬斜
陽樹還記啼鶯渡口船伴影瘦筇青竹外一聲鐵
笛白雲天幾迴鶴背遊仙夢五岳峻嶒九點烟

其十八

墜綠蕭蕭漾古潭白雲秋樹滿江南
催成野衲徵詩帖誤入山人採藥籃
繞屋新藤敲石臼一簾晴瀑
擘黃柑疎林細出前峰路
樵斧聲中好結庵

其十九

野樹鳴秋落日橫階前拄杖自鏗鏗
隨風飄盡愁中意擲地聲傳賦裏清
一把黃茅遮歲暮數莖白髮對霜晴
出關憶得前朝畫石板橋邊踏葉行

其二十

一聲搖落響空庭恰展枯林水墨屏
霜滿別州山數點秋深屋角樹無青
種松還掛分泉鉢看竹長携相鶴經
最是寂寥堪畫處草堂人靜數殘星

其二十一

石砌堆來墜葉深幾人江上賦愁心
秋亭今夜添風景池館明年更綠陰
訪客驟呼高齒屐入城新買斷紋琴
空山賴有寒梅在早放疎花伴苦吟

其二十二

秋盡江南老淚枯
姑蘓城外正啼烏
山頭瀑響樵聲小
橋齒霜寒杖影孤
尺幅藤牋徵客夢
一庭黃草學僧趺
冬青冷落憑誰種
空掛芭蕉雪景圖

謝臯

羽有冬青樹引

其二十三

疎林無奈撲新霜
木落天高欲斷腸
兩岸啼鴉愁客路
六朝宮闕滿斜陽
風生夕浦江湖上
老對秋

山感慨長日暮
漁樵歸未得短亭
楓冷話興亡

其二十四

一天秋綠下寒園
慟哭三閭薦白蘋
脫髮人騎紅汗馬
夜臺僧祭戰場魂
丁東古鳥鳴山月
薜荔精靈響樹根
巫峽不須猿助淚
洞庭霜滿水潺湲

其二十五

杜陵秋盡賦空傳
短髮飄蕭老自憐
漠漠斷霞飛鷺影
垂垂枯柳帶人烟
一聲長嘯看山屐
兩岫蘆

花採橘船木葉縫成難贈客楓衫自掛蟹籬天

其二十六

白髮青山異昔時江楓五字淚空垂長亭日落攀
寒柳野廟霜晴打古碑去國孤臣江上影登高送
客盡中詩誰將疎雨梧桐句繪作秋屏副楚辭

其二十七

百匝行吟秋樹根烏栖一曲暮愁繁山塘客去初
聞雨破寺僧稀只閉門霜落漁歌楓外艇烟消人

影鴈邊村錦囊盛取飄零葉青李來禽總莫論

其二十八

樹外輕雲一縷紗青苔路被亂楓遮猜成楚客辭

中菊借作茅君袖裏茶

茅君于手巾內解茶葉人與一葉客食之五內清涼

曰此蓬萊山穆陀樹葉故謝幼貞曰摘寶文之初蓋拾穆陀之墜葉帙卷竹牕疎雨

滴詩題桐影石欄斜莫嫌秋盡無風景錦繡還堆

野老家

落葉用友人韻

霜樹真成無定姿樂天解道墜相思

樂天詩涼
葉墜相思偏

宜野外彈琴社正是高人看竹時
枯草一園長已矣梅花滿林姑待之
數莖白髮已垂暮從此深杯更不辭

其二

長松偏傲暮秋姿玉樹淒涼故國思
江上空憐愁客賦西窗還話少年時
寒山欲到最青處秋雨與君同聽之
記得瀟湘送人去孤舟飄泊唱離辭

其三

西風歷落結寒姿囊取殘楓寄所思
愁迫江南霜滿後聲繁硯北日斜時
窻中遠山鴈飛落樹外孤村水遶之
樂府近來愁響絕晴秋自譜擣衣辭

其四

庭臯凋盡艷陽姿白髮青山結夢思
江上草枯行藥處洞庭霜落送柑時
棋聲隔水乍敲斷琴價斜陽共勘之
只待明年新綠後與君重作落花辭

其五

不妨剪燭寫秋姿
 落木無邊響暮思
 我輩情鍾秋盡夜
 前生應死葉黃時
 升沉閱世盡如此
 榮落尋僧一問之
 好補菊籬修蟹斝
 銜杯共唱感懷辭

豐草菴詩集目錄

西臺編

讀西臺慟哭記和張非翁 再和前韻 金

陵故宮遺香 再和前韻 復和前韻 金

陵故宮遺香余三和湘人韻友人繼作余復

和之 重和前韻 三和前韻 四和前韻

五和前韻 六和前韻 敬夫宿水北菴

聞竹聲不及入林而返歸途紀事余用其韻

重和前韻 三和前韻 四和前韻 讀

非翁石船存草有感 種豆用前韻 卽事

用前韻^二 夜景 寄友人次角韻 督治

豆花棚次前韻 夜坐復次前韻 僮歸復

次前韻 南村卽景 病起課僮澆藥用前

韻 卽事用前韻^二 夜窻獨坐復用前韻

聞竟孚吟聲次韻預和 從非翁借書復

用前韻 有感次前韻簡西溪客 讀孟樸

先生存草次韻因懷舊事 卽事復用垂韻

復用前韻作止詩詩 雨中簡故人 卽

事復用前韻^四 首夏田園雜興用前韻

初夏紀事限韻 前題約西溪客同賦 夜

步藤棚復次前韻 客有和竟孚斜韻詩余

用韻得三首 重閱梅綰存草感賦 雜興

復用齋韻 荅西溪客用前韻^四

豐草菴詩集

西臺編

吳興董說若雨著

讀西臺慟哭記和張非翁

辛卯

買得遺書墨半摧招魂一曲有餘哀
春風竹徑門空閉慟哭還登夢裏臺

荒祠門破雜編荆一片殘碑綠蘚生
哭盡兩臺天欲雪孤舟人影大江橫

再和前韻

豐亨者言集
空山野廟短垣摧風緊潮寒助客哀日暮漁樵閑
指點無端白髮哭高臺

空有愁吟學楚荆相看華髮滿頭生男兒得遂酬
恩志匹馬西風一劍橫

金陵故宮遺香

遇五先生歸自金陵得宮香一
篋湘人詠以二絕余和其韻

結客場空憶少年故宮回首隔秋烟白蘋江上花
如雪瓦鬲焚香坐釣船

幾時携箇看山僧白髮相逢說太平並建兩都誰
作賦賣香遺事記金陵

再和前韻

奩史銷殘又幾年君家須續舊湘烟漢宮香譜重

箋處人在斜陽江上船

湘烟錄奩史一
條首漢宮香方

宮人斜址住殘僧帆漾春潮岸樹平不是玉臺宮
怨意莫將新詠繼徐陵

復和前韻

夢中宮闕記當年十幅蒲帆一縷烟本是浪遊無

箇事金山碑斷莫停船 乙酉兵集金山碑版俱焚

蕭蕭瓶鉢願隨僧踏葉尋秋江路平拈出袖中香

一辨新詩滿軸祭昭陵

金陵故宮遺香余三和湘人韻友人繼作余

復和之

湧幢曾記 世宗年香庫俄連秘閣烟忽報張家

灣口到龍涎十斛廣東船 朱文肅公著湧幢小品

草菴人老未為僧一曲悲歌恨未平南越數年消

息斷莫教狼籍舊零陵

重和前韻

丹青板樣壓當年十種鴻書繡古烟 四方得遇五翁刻本稱為

十種鴻書 圖籍已空離亂後江頭還認米家船

歸來隨著摘茶僧閑訪靈巖草樹平涇號採香人

不見一帆春雨過松陵

三和前韻

博山遺製曠千年誰解薰香不放烟宮餅搗成還
寄我春風好附借書船

散客閒如退院僧江邊扶杖暮烟平休欺白髮憐
香客豪氣當年壓五陵

四和前韻

南國重來已暮年雙飛白鷺一江烟賣香客去行
人少立盡斜陽喚渡船

一半知交竹院僧燈前看劍氣難平不如結箇蛾

眉客儘把遺香散廣陵

五和前韻

筆牀茶竈自年年領取西窻石鼎烟秘閣書從何
處問勸君重買渡頭船

鐘催江上夕陽僧寂寞春潮挂席平夢入瀟湘叢
竹去鷓鴣啼雨過黃陵

六和前韻

蟬鳴兩岸日如年帆指苕溪挂暮烟打得象碁新

勢就薰爐灰冷載書船

老去空依雲水僧垂簾永日似君平從教學取靈

芳國千樹桃花繪武陵

靈芳國事
見清異錄

敬夫宿水北菴聞竹聲不及入林而返歸途

紀事余用其韻

昔我在鹿山長鑿掘黃獨草堂渡頭西遮門一叢
竹虎跡探平沙松根掛危谷樵夫話晚凉山空語
無俗隔竹寒泉飛窻中數峰綠度嶺清秋天日落

歸輿促丹青結夢遊問樵圖一幅長吟聞竹詠重
剪西堂燭

重和前韻

亂後故人存村荒一家獨西偏古僧廬空搖數竿
竹磬斷聲鏘然髣髴隔岩谷展書借禪燈感慨話
風俗開門望遠樹斜月一潭綠竹徑不曾行遊侶
晨裝促背帆坐支頤繭紙披長幅携來豐草菴疊
和幾銷燭

三和前韻

婚嫁畢無時長往不妨獨會當別爾去隨行一筇
竹慟哭香爐峰躑躅康王谷精廬託亂山瀑布隔
塵俗飛書絕交朋一嘯秋山綠空懷遊嶽情徒悲
年運促借樣製樵巾輕紗裁一幅姑遊水北菴踏
蘚還携燭

四和前韻

他年埋我處水西村樹獨丙舍葢黃茅墓石藏深

竹松杉次第栽臨水結梅谷題曰夢道人生前不
諧俗老去共傷悲相看鬢非綠坐學秋猿吟自令
年命促不如復徵夢烏絲續新幅手種竹三竿摩
挲夜燒燭

讀非翁石船存草有感

千秋歷落人一二不能數吾家有石船逸事嗟未
補推牕讀君詩嚼蘂心自苦張墩續釣盟忘年定
余許

種豆用前韻

種豆樗樹根曉指曙星數
墻西屋三間黃茅及閒
補豆花涼自垂絡緯吟自苦
秋草與秋蟲萬古愁
如許

卽事用前韻 二首

墻透玉蘭梢初葉清可數
西偏伐枯棠定種梅花
補茶杯祭孟郊稱君詩味苦
後夜月魄升應喚奈
何許

青峰七十二秋宵夢中數
潭小奔泉飛墻缺垂藤
補人定話西牕燈昏寒月苦
彈劍忽鏗然微軀定
誰許

夜景

交藤如裂冰石子苔窠剝月影
下西墻正射闌干
角

寄友人次角韻

涼秋坐溪堂采菱共儂剝
汝坐青藤根儂坐豆花

角

督治豆花棚次前韻

插篠護初苗綠莢待秋剝正如盤中詩中央旋四
角

夜坐復次前韻

月出藤棚西窻紙自偷剝蟋蟀避燈光窺入青菱
角

僮歸復次前韻

僮歸擔溪泉彈戶聲剝剝澆取一園花老我南村
角

南村卽景

鳥啄櫻桃壓樹垂種秧歸屋屨懸籬水村補瓦迎
梅雨野廟酬神唱艷詩斷渚客呼漁艇渡落霞僧
立石橋窺燈前細引兒童話寫作南溇卽景詞

病起課僮澆藥用前韻

墻角休嫌薜荔垂放將寒綠亂藤籬便裝夏日田

豐草者詩集
園樣須補庭中草木詩童贖不知松下問客來自
隱竹邊窺花名最動人煩惱一樹山鶻好製詞

卽事用前韻

二首

樵笠懸牕紙幕垂雙扉曲遶數層籬多憑夢去尋
遊覽生怕醫來戒咏詩移竹艇衝斜雨放候茶童
隔亂藤窺盡呼兒女花前鬧教唱新編豐草詞
一軸湘簾盡日垂賣書人到暫開籬藥欄砌學碁
枰路海燕聲如蠻語詩種樹訣尋樵艇問蠹花蟲

喚小童窺石湖舊本誰分與研紙先抄襍興詞

夜窻獨坐復用前韻

晴江難放釣絲垂空學樵裝住小籬此日伴愁三
足鼎他年祭我一編詩護紗笠破飛螢透古錦囊
空野鼠窺教取雙童吹鐵笛白頭自唱夢遊詞

聞竟孚吟聲次韻預和

松未離盆翠鬣垂野薔薇結遶窻籬吟成落葉渾
忘夏話到廬山欲廢詩瘦竹杖求禪客相遠村花

借別人窺卦盤射爾添新咏短幅先郵和韻詞
從非翁借書復用前韻

授經一幅絳紗垂幾日南村踏雨籬賤子能排京
氏易高賢曾受遠公詩精廬何處堪雙結雁蕩他
年約共窺肯乞異書三百軸不勞紙尾更批詞
有感次前韻簡西溪客

接翅昏鴉滿樹垂抽書獨坐晚晴籬土風四月聽
收繭家世苕溪愛課詩得句且教兒輩寫愁心留

放後人窺一編文苑詩刪就再辦閑情點宋詞

讀孟樸先生存草次韻因懷舊事

當年枯柳傍門垂艇載山僧過蟹籬滿眼故人同

說劍三更白月坐聯詩那知送客都成讖

集中聯句詩同

玄趾集靜嘯

齋執琰言別還記藏書許共窺石子洗清籬又結

一甌茶薦奠君詞

卽事復用垂韻

囊墨纍纍滿室垂甕理退筆傍西籬遮風墨障圍

謙卦

石刻李陽水謙卦篆可作小屏

除瘧新符帶杜詩草向結繩

閒處闢劍當剪燭坐時窺田園雜事題多徧還少

藤棚聽瀑詞

復用前韻作止詩詩

掛起西窻綠雨垂哀吟何苦鬧花籬袖香一瓣供
枯坐合爪南宗懺咏詩池放呼名新鴨浴筆隨祝
子野蟲窺從今文苑難拘束好拂長牋作賀詞

雨中簡故人

空庭水沒綠葵梢石子堦深水藻交結夏擬投方
外社愁霖思構半山巢賣書客到籬難閉挑菜人
歸戶又敲筭得黃鍾新樂譜添栽幾箇製笙匏

卽事復用前韻

四首

落樹花粘竹箒梢蠶天人靜蘚痕交思開石竇延
僧話終入雲峰共鶴巢轉水車圍村市響賣漁鼓
襍雨聲敲易名要學田園樣便擬從今號野匏
廬結茗溪水市梢青梅磊落綠陰交斷橋古渡人

撐艇細雨斜風燕定巢藤架喚收殘網結釣鉤例
拾繡針敲插花瓶愛山家樣快剪挑燈自鏤匏
黃鶯飛振玉蘭梢帖學稽康草絕交石路三义營
鹿柵花籬一曲護書巢放翁名其室曰書巢墻藤薄處漁簑
掛急雨來時藥臼敲尋得東溪長柄種杖頭他日
也懸匏

草堂空憶渡村梢樵社拋他方外交幸有夢鄉堪
避世却將風角讓居巢蠻童偃蹇停書課野衲荒
唐學塵敲記得弄潮人怪事秋濤飛處掛空匏

首夏田園雜興用前韻

透盡蘆芽與笋梢曆查小滿却新交蠶忙水店評
桑價雨識田家指鵲巢載竹船開壇預築煮茶烟
斷石還敲陸璣草木誰添疏認取園中苦葉匏

初夏紀事限韻

黃磁斗放蕙芽尖歷歷風吹響菊籤試茗乍停三
日夢借書未害一生廉閒招野客樹根坐稍欠茅

亭水角添竹削詩牌分險韻不知句外味誰拈

前題約西溪客同賦

藥闌洗出石稜尖史架抽來盡綠籤坐徧藤陰忘
是夏貪看山色不曾廉擣香聲緩日方永水墨圖
懸竹又添放取雙童閑闢草杜鵑花葉怕重拈

夜步藤棚復次前韻

石根斜放笋梢尖竹笈分標百藥籤遶屋溪清應

號夢沈文通因感異灌花泉小合名廉月看今夜

夢名溪為夢溪

藤陰漏架待涼秋荳莢添好續興公金石賦天台
遊話莫空拈

客有和竟孚斜韻詩余用韻得三首

菊籤雁翅傍籬斜裝點南村野老家斑竹籠收新
摘艾黃磁斗種隔年花筆逢退穎似羸馬書到會
心如飲茶清事從來有真癖不堪持贈是烟霞

醉漁曬網豎竿斜鳧鴨聲中暫寄家秋晚每租鄰
舍艇日西去看別村花沙瓶未賣留燒笋樵笠新

縫脩採茶碎石種成蒲九節好題齋榜作青霞

荳棚霜壓菊籬斜兒學愁吟喜克家盡裏書堂懸

瀑布夢中秋槩撥蘋花琴牀角缺移攤藥石鼓苔

青坐試茶記得鹿山村牧樣倒騎牛背看晴霞

重閱梅館存草感賦

可憐清嘯靠湖齋屋任溪樵斫作柴杜甫亂來吟

咏苦謝翽老後姓名埋難忘淡墨傳吟帖忍憶圍

燈鬪畫牌

孟朴翁尺牘多淡墨欵斜少年喜為葉子之戲

十五國風曾踏

遍平生幾輛破芒鞋

雜興復用齋韻

石紋歷落繞空齋貧遣兒童學賣柴種菊譜編筠

紙寫養魚盆取樹陰埋意中草閣西山渡夢裏寒

霞篆字牌

一思鹿山一紀七十二峰舊夢

結束老來思朴野飛雲

莫着眉香鞋

苔西溪客用前韻

四首

隔架藤遮課子齋清泉一餅沒烟柴筆從落葉聲

中絕骨棟梅花鬧處埋結客有誰分馬券遊仙曾
見掛麟牌江南惱殺黃梅濕高齒還穿屐樣鞋
短籬一尺綠圍齋枯樹藤垂只中柴說夢無徵隨
筆錄鍊香依譜倒瓶埋青燈夜集懷賢帖白玉新
鐫止酒牌眼底漁樵家具足新絲結網草編鞋
蕭蕭寒葉響村齋米價難平又苦柴壁繪名山無
惜卧書成離亂祗應埋買僮約法先編箒養鹿呼
名也刻牌明眼有人拈不借叅宗問取兩芒鞋

一章巫峽嘯西齋種荳棚疎縛槿柴別館書衝殘
雨借遠村樹惜濕雲埋枯楓斲取規壬式石黛研
成點卦牌痼癖自來同陸羽明年準踏採茶鞋

1/2

75